

A mendoni fare në mizoritë anë e mbanë botës?

H A R U N J A H J A

Në botë ekzistojnë shumë probleme si: uria, varfëria dhe degradimi moral. Musliman të vrarë në Kashmir, Çeçeni, Turkestanin lindor, Bosne, Kosovë; njerëz të varrosur për së gjalli vetëm përshkak të besimit dhe racës së tyre; gra të dhunuara; pleq dhe fëmij të vrarë... Të gjitha këto fakte në të vërtetë janë të njohura në mbarë botën dhe tema të hapura, të përcjella nga mediat. Mirpo shumica e njerëzve nuk e merr përgjegjësinë mbi vete për zgjidhjen e këtyre problemeve, madje as që i "duhet" të mëndojnë për këto gjëra. Një pjesë tjetër e njerëzve, këto probleme, shpesh i sjellin në ngjarje të ditës. Ata madje mendojnë për ta dhe nuk ndihen të rehatshëm për shkak të këtyre problemeve.



Kashmir

Arsyeja se përse problemet, me të cilat njerëzit ballafaqohen me mileniume, nuk mund të zgjidhën është sepse zgjidhja kërkohet në sisteme dhe besime të gabuara. Ndërkaq zgjidhja është në moralin e Kuranit të cilin Allahu e ka cakuar për njerëzit. Do të ishte një gabim gjigant që botën ta pranojmë si normale me të gjitha këto probleme të pazgjidhshme dhe të tregohemi të pafuqishëm pa marrë masa. Dhe prap do të ishte shumë gabim, që atmosferën ku këto probleme mund të zgjidheshin, ta shohim si të huaj dhe të paarritshme. Se Allahu (svt), i cili ka krijuar të gjithë njerëzit, ka krijuar edhe sistemin në të cilin mund të jetojnë me ndjenjen e qetësisë, besimit dhe rehatisë. Allahu (svt) këtë fakt na ka treguar përmes Kur'anit. Ashtu sic Allahu (svt) thotë në këtë ajet: "... Ne ty të shpallëm librin sqarim për çdo send, udhëzim e mëshirë dhe myzhde për myslimanët." (sure Nahl, 89), Kurani është një libër që në çdo temë iu tregon njerëzve rrugët dhe mjetet. Përmes moralit, të sqaruar nga Allahu (svt) në Kuran, problemet kudo në botë do të zgjidheshin, po qese njerëzit do të pastroheshin nga bestytinë dhe nëse ata do të udhëhiqeshin në jetë me këtë moral me dashuri dhe me zemër.



Çeçeni

Një pikë tjetër që s'bën të harrohet: një fshehtësi e të jetuarit me moralin e Kuranit është se Allahu (svt) si shpërblim ndaj këtij morali iu jepë një jetë të mirë edhe në këtë botë. Si rrjedhim do të kishte zgjidhje për problemet dhe po ashtu Allahu (svt), që posedon Mëshirën e pafund, njerëzit që jetojnë me moralin e Kuranit do t'i shpërblejë me një jetë të bukur dhe të rehatshme. Për këtë arsye, atëherë do të bëhet e mundur që njerëzit të mund të jetojnë në një atmosferë të drejt, të besueshme dhe rehatshme nëse ata mësojnë moralin e Kuranit, e praktikojnë dhe ndihmojnë që edhe shoqëria ta praktikoj. Është një përgjegjësi e madhe, të cilet do ta merrin mbi vete, që t'ua vëni në dukje muslimanëve, t'i ftoni njerëzit në Islam dhe ta përshkruani moralin e Kuranit, përmes së cilit i fusni mundësit në dorën tuaj.